

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Biblia Das ist Die gantze Heylige Schrift Teutsch**

**Luther, Martin**

**Franckfurt am Mayn, 1560**

**VD16 B 2747**

Illustration: [Israel, das Totenfeld, wird durch Gottes Odem lebendig]

**urn:nbn:de:bsz:31-62174**



## Der Prophet XXXVII. Cap.

So spricht der HERR HERR / Ich wil mich wider fragen lassen / vom hause C  
Zrael / das ich mich an ihnen erzeige / vnd ich wil sie mehren / wie eine Menschen-  
herd / wie eine heilige Herd / wie eine herd zu Jerusalem / auff ihren Festen / So sol-  
len die verheereten Stätte / vol Menschen herd werden / vnd sollen erfahren / das ich  
der HERR bin.

## XXXVII. Cap.

**U**nd des HERRN hand kam ober mich / vnd füret  
mich hinaus im Geist des HERRN / vnd stellet mich auff ein weit  
Feld / das voller beine lag / vnd er füret mich allenthalb dadurch /  
Vnd sihe (des gebeines) lag sehr viel auff dem Feld / vnd sihe / sie  
waren sehr verdorret. Vnd er sprach zu mir / Du Menschenkind /  
meinstu auch das diese beine wider lebendig werden? Vñ ich sprach / HERR HERR /  
das weistu wol.



Vnd er sprach zu mir / Weissage von diesen beinen / vnd sprich zu ihnen / Ihr ver-  
dorreten beine / höret des HERRN wort. So spricht der HERR HERR von diesen  
Gebeinen / Sihe / ich wil einen Odem in euch bringen / dasz ihr solt lebendig werden.  
Ich wil euch Adern geben / vnd fleisch lassen ober euch wachsen vnd mit haut ober-  
ziehen / vnd wil euch Odem geben / dasz ihr wider lebendig werdet / vnd solt erfahren /  
das ich der HERR bin.

Vnd ich weissagete / wie mir befolhen war / Vnd sihe / da rauschet es / als ich weis-  
sagete / Vnd sihe / es regete sich / vnd die Gebeine kamen wider zusammen / ein igliches  
zu seinem gebein. Vnd ich sahe / vnd sihe / es wuchsen Adern vnd fleisch drauff / vnd  
er oberzoch sie mit haut / Es war aber noch kein Odem in ihnen.

Vnd er sprach zu mir / Weissage zum winde / weissage / du Menschenkind / vñnd  
sprich zum wind / So spricht der HERR HERR / Wind / kom herzu aus den vier  
winden / vnd blase diese getödtten an / dasz sie wider lebendig werden. Vnd ich weissa-  
get / wie er mir befolhen hatte. Da kam Odem in sie / vnd sie wurden wider lebendig /  
vnd richteten sich auff ihre füsse. Vnd jr war ein sehr gros heer. Vnd